

րութեամբ փայլելուն ձողիկներու բաժանեց:

Ասացինք նաև «Մարտայ ութին՝ սարեկ վրը բղին», և «Մարտայ ըննին լակլակ (արագիլ) վրը բնին»:

Ամեն մարդ սկսան իրարու աւետել լակլակի և սարեկի գալուստն:

Մարտի մէջ ենք, մեր երկրի ի հարաւ դարձած կողերն տեղ տեղ սև կերևին, այդ սևութիւնը տակաւ առ տակաւ ի դաշտ կիջնայ, որպէս ձիւնը՝ այնպէս ևս սևութիւնը լեռներէն սկսած է խոնարհիլ: (Գարնան նախ բարձր լեռներու կողերու վերայ գտնուած ձիւնը կը հալի, ապա տակաւ առ տակաւ հալումը ի դաշտ կիջնայ): Արև օրեր ձիւներ կըսկսին հալիլ, ջրեր խոխոջալով ի դաշտ կիջնան, սակայն դեռ դաշտի հոգը չէ, դեռ գետերու, գետակների, ձորերու, առուների երեսն սառ է, դեռ դաշտի մէջ որոց հետքն յայտնի չէ:

Եթէ տարին մեզի յաջող է, Մարտի տասն և հնգին կըսկսի արեգակի ջերմութիւնը ազդել, որով արեգդէմ վայրեր սևացած պիտի տեսնեմք: Ջրերն սկսած են առատանալ մանել իւրեանց հունը և հոսիլ, սակայն երբ ի դաշտ հասան սառոյցներու տակից կը յառաջանան, դեռ ամեն ջրերու վերայ պատած սառոյցներու վերայ երթևեկութիւն կը լինի:

Մարտի տասն և հնգից օր ըստ օրէ գետերու սևութիւնը ի դաշտ կը յառաջանան, Մարտի 20-ին դաշտի կիսին հասած լինելով՝ գետերու հունը նշմարելի կը դառնայ, նաև ճանապարհներն ևս սև գծի նման երևիլ սկսած են:

Մարտի քսանն էր, միտք բերինք այն առածը «Մարտի քսան՝ լճքեր յարտեր պսպսան 1»: Ուրախ էինք վասն զի լեռանց ստորոտներն սևացած և սևութիւնը կը յառաջանար ի դաշտ և արդէն Գարա—Քիլիսէի կողմից ևս դէպի արևմուտք առաջ կը գայր:

Մարդիկ և անասունք դուրս ելած էին քչիկ մի օդ վայելել, յանկարծ մի ձիւն տեղաց, մի կանգնոյ չափ բարձրա-

---

1. Այս ժողովրդական հին առածը ցոյց կտայ որ ի նախնիս Բագրեւանդ շուտ գարուն կը բացուէր որ Մարտայ 20-ին լճքեր յարտեր կը շողշողային: